



კონსულტაციისა და ტრენინგის ცენტრი (CTC) აცხადებს საგრანტო კონკურსს კახეთის რეგიონში მოქმედი სამოქალაქო საზოგადოების ორგანიზაციებისთვის, ევროკავშირის მიერ დაფინანსებული პროექტის: „მუნიციპალური სერვისების ხარისხის შეფასების ინსტრუმენტი (MUSQAT)“ ფარგლებში.

კონკურსის მიზანია, აღნიშნული ორგანიზაციების გააქტიურება სხვადასხვა მუნიციპალური მომსახურების ხელმისაწვდომობის/ხარისხის გაუმჯობესებაში, კონკრეტული პრობლემის აქტუალიზაციით, შესაბამისი მუნიციპალიტეტისთვის გადაჭრის გზების შეთავაზებით, საკითხის მიმართ საზოგადოებრივი ცნობიერების ფორმირებითა და საზოგადოების მხარდაჭერის მოპოვებით.

კონკურსის ფარგლებში გაიცემა 16 გრანტი. თითოეული გრანტის მინიმალური მოცულობაა 1 500 (ათას ხუთასი), ხოლო მაქსიმალური - 2 000 (ორი ათასი) ევროს ექვივალენტი ლარში.

დაინტერესებულმა ორგანიზაციებმა, მოთხოვნილი დოკუმენტები უნდა წარადგინონ **2021 წლის 24 იანვრის ჩათვლით, ელექტრონული ფორმით, შემდეგი ელ. ფოსტის მისამართზე: salome.sichinava@ctc.org.ge** წერილის ველში („Subject“) მიუთითეთ ორგანიზაციის სახელწოდება და „Advocacy Grants_MUSQAT“.

1. ინფორმაცია პროექტის შესახებ

მუნიციპალური სერვისების ხარისხის შეფასების ინსტრუმენტი (MUSQAT) 2 წლიანი პროექტია, რომელიც ევროკავშირის დაფინანსებით კახეთის რეგიონში 2019 წლის 17 ოქტომბრიდან მიმდინარეობს. პროექტი ხორციელდება კონსულტაციისა და ტრენინგის ცენტრის (CTC) მიერ მედია ცენტრ კახეთთან (MCK) თანამშრომლობით. პროექტის ადგილობრივი პარტნიორი ორგანიზაციებია:

1. სოფლის ქალები ადამიანის უფლებებისათვის - თელავის მუნიციპალიტეტი
2. "კახეთი" - ახმეტის მუნიციპალიტეტი
3. ქალები რეგიონიდან საზოგადოების განვითარებისთვის - გურჯაანის მუნიციპალიტეტი
4. სათემო კავშირი ნუკრიანი - სიღნაღის მუნიციპალიტეტი
5. ახალგაზრდული ცენტრების ასოციაცია, ახალსოფლის „მოსწავლე ახალგაზრდობის ცენტრი“ - ყვარლის მუნიციპალიტეტი
6. სამოქალაქო საზოგადოების განვითარების ასოციაცია „სპექტრი“ - საგარეჯოს მუნიციპალიტეტი
7. საქართველოს სამოქალაქო განვითარების ასოციაცია (საგა) - ლაგოდეხის მუნიციპალიტეტი
8. დედოფლისწყაროს ადგილობრივი განვითარების ჯგუფი (LAG) - დედოფლისწყაროს მუნიციპალიტეტი

პროექტის მიზანია, ხელი შეუწყოს საქართველოში მიმდინარე საჯარო მმართველობის რეფორმას, მათ შორის მუნიციპალური სერვისების გაუმჯობესებას კახეთის რეგიონში და შექმნას საფუძველი მაღალი ხარისხის, ყველასთვის ხელმისაწვდომი და კარგად ადმინისტრირებული მუნიციპალური სერვისების მიწოდებისთვის.

პროექტის ძირითადი მიმართულებებია:

კახეთის ადგილობრივი თვითმმართველობის შესაძლებლობების გაძლიერება საჯარო მომსახურების ხარისხის გაუმჯობესებაში - გათვალისწინებულია შესაბამისი სასწავლო პროგრამები (ადგილობრივი პოლიტიკის წარმოება, მუნიციპალური პროგრამების დაგეგმვა, მუნიციპალური მომსახურების სტანდარტები); მუნიციპალიტეტებში CTC-ის მიერ შემუშავებული მომსახურების ხარისხის შეფასების ინსტრუმენტის (MUSQAT) დანერგვა და სხვადასხვა სფეროში მომსახურების გაუმჯობესების ღონისძიებების საექსპერტო მხარდაჭერა; სხვადასხვა აქტუალურ საკითხებზე, საზოგადოებრივი ორგანიზაციების მონაწილეობით, ინტერმუნიციპალური თემატური შეხვედრების ორგანიზება; მუნიციპალიტეტებს შორის დადებითი გამოცდილებების გაზიარება; სამუშაო შეხვედრების, კონფერენციების და სემინარების ორგანიზება.

კახეთის სამოქალაქო საზოგადოების ორგანიზაციების შესაძლებლობების გაძლიერება - ტრენინგები საბიუჯეტო პროგრამების შეფასების, მტკიცებულებებზე დაფუძნებული დაგეგმვის, მუნიციპალური შესყიდვებისა და მუნიციპალური მომსახურებების მონიტორინგის საკითხებზე (განხორციელდა); ადგილობრივი პარტნიორი ორგანიზაციების შერჩევა კახეთის ყველა მუნიციპალიტეტში საჯარო მომსახურების ხარისხის მონიტორინგისა და შეფასების მიზნით (შეირჩა 8 პარტნიორი ორგანიზაცია); მცირე

გრანტების პროგრამა ადგილობრივი ორგანიზაციებისთვის ადვოკატირების ინიციატივების განსახორციელებლად.

მუნიციპალური მონაცემების წარმოების იდეის განვითარება და დანერგვის ხელშეწყობა - მუნიციპალური მომსახურებების დაგეგმვისთვის მინიმალური მონაცემების საჭიროებების კვლევა; სამუშაო შეხვედრები, სემინარები, ცენტრალურ და ადგილობრივ დონეზე; ეროვნული კონფერენციები მუნიციპალური მონაცემების და მომსახურების მინიმალური სტანდარტების დანერგვის საკითხებზე.

2. საგრანტო კონკურსის მიზანი და პირობები

საგრანტო კონკურსის მიზანია, კახეთის რეგიონში მომუშავე საზოგადოებრივი ორგანიზაციების შესაძლებლობების გაძლიერება და გააქტიურება მუნიციპალური მომსახურების ხელმისაწვდომობის/ხარისხის გაუმჯობესების მიზნით ადვოკატირების კამპანიის წარმოებაში.

გრანტის ფარგლებში განსახორციელებელი ადვოკატირების შედეგი და ღონისძიებები მიმართული უნდა იყოს ერთი კონკრეტული მუნიციპალური მომსახურების ხარისხის, ინკლუზიურობის და/ან ხელმისაწვდომობის გაუმჯობესებისკენ. ის შეიძლება ეხებოდეს ერთ კონკრეტულ ინტერესთა ჯგუფს ან მთელი მუნიციპალიტეტის მოსახლეობას, ფარავდეს ერთი სოფლის, თემის ან მთელი მუნიციპალიტეტის ტერიტორიას. წარმატებულად ჩაითვლება კამპანია/პროექტი, თუ მუნიციპალიტეტი გადადგამს პრაქტიკულ ნაბიჯებს გამოვლენილი პრობლემის მოსაგვარებლად.

მუნიციპალური მომსახურება გამომდინარეობს ადგილობრივი თვითმმართველობის კოდექსით გათვალისწინებული მუნიციპალიტეტის უფლებამოსილებებიდან, მათ შორისაა:

- სოციალური მომსახურებები (დახმარების პროგრამები სოციალურად დაუცველი, შშმ, ხანდაზმული პირებისთვის; მარტოხელასთვის, მრავალშვილიანი ოჯახისთვის და სხვა)
- ჯანმრთელობის დაცვის პროგრამები (პრევენცია, პროფილაქტიკა, ზრუნვა, რეაბილიტაცია)
- დასაქმების ხელშეწყობა (დასაქმების ხელშეწყობის მუნიციპალური პროგრამა მაგ.: პროფესიული განვითარების კურსების ორგანიზება და სხვა)
- ადრეული და სკოლამდელი აღზრდის ხელმისაწვდომობა (საბავშვო ბაღებში კვების ხარისხი, ჰიგიენის ნორმები, კეთილმოწყობა, აღზრდელისა და მასწავლებლების კვალიფიკაცია და სხვა)
- მუნიციპალიტეტის დასუფთავება (საჯარო სივრცეების: ქუჩების, პარკების, სკვერების, ხეივნების და ა.შ. დასუფთავება);
- მოქალაქეთა შიდა ტრანსპორტირება (მუნიციპალიტეტის ადმინისტრაციულ ცენტრთან ყოველდღიური სატრანსპორტო კავშირი, შიდა საქალაქო გადაყვანა);
- ინფრასტრუქტურა (მოწესრიგებულია გზები, საჯარო დაწესებულებები);
- სოფლებში სასმელი წყლის მიწოდება;
- გარე განათება;

- გარემოს დაცვა (გარემოსდაცვითი განათლების ხელშეწყობა, ჩამდინარე წყლების მართვა, ნარჩენების მართვა, შეგროვება და გატანა და სხვა);
- მიუსაფარი ცხოველების მოვლა-პატრონობა;
- ტურიზმის ხელშეწყობა;
- ბიზნესის ხელშეწყობა;
- სპორტისა და რეკრეაციის ხელშეწყობა (სპორტული მოედნები, სკვერები, სათამაშო ადგილები ბავშვებისათვის, სპორტული ღონისძიებები და ა.შ.);
- მუნიციპალიტეტის კეთილმოწყობა და გამწვანება;
- სასაფლაოების მოწყობა და მოვლა-პატრონობა (შემოღობვა, შიდა ბილიკების მოწესრიგება/მოპირკეთება, საერთო სივრცის დასუფთავება, გამწვანება, ნარჩენების გატანა);
- გარე ვაჭრობა, ბაზრები და ბაზრობები;
- პარკირების მოწესრიგება;
- მუნიციპალიტეტის ელექტრონული სერვისები (ნებართვისა და ლიცენზიის გაცემა, საჯარო ინფორმაციის ელექტრონული მიღება-გაცემა, განცხადების მიღება-პასუხი, ქონების პრივატიზება ან სხვაგვარი განკარგვა);
- ბავშვის უფლებათა კოდექსიდან წარმოქმნილი ახალი მომსახურებები, რომლებიც მუნიციპალიტეტებმა უნდა მიაწოდონ;
- ადგილობრივი თვითმმართველობის კოდექსით გათვალისწინებული სხვა მუნიციპალური მომსახურებები.

შესაძლო ღონისძიებები: პრობლემის ირგვლივ საზოგადოებრივი ცნობიერების ამაღლება, დაინტერესებული ჯგუფების გამოვლენა და მობილიზება, კომუნიკაციის კამპანიის განხორციელება, მუნიციპალიტეტში გადაწყვეტილების მიმღებ პირებთან ურთიერთობა, მედია აქტივობები (პრესკონფერენცია, სოციალური მედია კამპანია) და სხვა.

არ დაფინანსდება შემდეგი ხარჯები: ტექნიკის, ინვენტარის შეძენა, ოფისის კომუნალური და ადმინისტრაციული ხარჯები, სხვა ხარჯები, რომელიც პირდაპირ არ არის დაკავშირებული პროექტის შედეგის მიღწევასთან.

კონკურსის ფარგლებში, კახეთის რეგიონში მომუშავე საზოგადოებრივ ორგანიზაციებზე გაიცემა 16 გრანტი. თითოეული გრანტის მინიმალური მოცულობაა 1 500 (ათას ხუთასი), ხოლო მაქსიმალური - 2 000 (ორი ათასი) ევროს ექვივალენტი ლარში.

გრანტის ფარგლებში განსახორციელებელი პროექტის ხანგრძლივობაა 2 - 5 თვე.

პროექტის დაგეგმვისას გათვალისწინებული უნდა იყოს კოვიდ 19-ის პანდემიით შექმნილი გამოწვევები და შესაბამისად ადაპტირებულ ღონისძიებები.

3. კონკურსზე დაშვებადობა და პროექტის შერჩევის კრიტერიუმები

კონკურსში მონაწილეობა შეუძლია საქართველოს კანონმდებლობით არასამეწარმეო (არაკომერციული) იურიდიული პირის ფორმით დაფუძნებულ სამოქალაქო საზოგადოების ორგანიზაციას (არასამთავრობო ორგანიზაცია, სათემო ორგანიზაცია, ადგილობრივი განვითარების ჯგუფი (LAG)), გარდა ცენტრალური და ადგილობრივი ხელისუფლების ორგანოების მიერ დაფუძნებული ააიპ-ებისა, რომელიც მუშაობს კახეთის რეგიონში.

საპროექტო განაცხადის შერჩევის კრიტერიუმებია:

- პროექტის თემატიკის შესაბამისობა და მკაფიო მტკიცებულებების / არგუმენტაციის არსებობა პრობლემისა და მისი მასშტაბის შესახებ
- მოსალოდნელი შედეგის სიცხადე და მიღწევადობა (მათ შორის მოცემულ ვადებში)
- დეტალური და პროექტის მისაღწევი შედეგის შესაბამისი ღონისძიებების გეგმა
- მონაწილეობითი მიდგომის ხარისხი (რამდენად ჩართულია სამიზნე ჯგუფები და ბენეფიციარები)
- მარგინალური ჯგუფებისა და გენდერული ნიშნით არსებული საჭიროებების ინტეგრირება საპროექტო განაცხადში
- ბიუჯეტის რელევანტურობა დაგეგმილ ღონისძიებებთან და მისაღწევ შედეგთან

4. კონკურსში მონაწილეობის ვადა და წარსადგენი დოკუმენტები

დაინტერესებულმა ორგანიზაციებმა, მოთხოვნილი დოკუმენტები უნდა წარადგინონ **2021 წლის 24 იანვრის ჩათვლით, ელექტრონული ფორმით, შემდეგი ელ. ფოსტის მისამართზე: salome.sichinava@ctc.org.ge** წერილის ველში („Subject“) მიუთითეთ ორგანიზაციის სახელწოდება და „Advocacy Grants_MUSQAT“.

1. შევსებული საპროექტო განაცხადის ფორმა ქართულ ენაზე (იხ. დანართი 1),
2. აპლიკანტი ორგანიზაციის რეგისტრაციის მოწმობის ასლი,
3. პროექტში ჩართული 2 თანამშრომლის/პირის პროფესიული რეზიუმე(CV).

დანართი 1.

საპროექტო განაცხადის ფორმა

გთხოვთ შეავსოთ წინამდებარე განაცხადის ფორმა შემდეგი პარამეტრების დაცვით:
ფონტი: Times New Roman, ზომა: 12, დამორება: 1.15

ინფორმაცია ორგანიზაციის შესახებ	
ორგანიზაციის დასახელება	
ორგანიზაციის ხელმძღვანელი	
ორგანიზაციის ხელმძღვანელის საკონტაქტო ინფორმაცია: ტელეფონი, ელ-ფოსტა	
პროექტზე პასუხისმგებელი პირი	
პროექტზე პასუხისმგებელი პირის საკონტაქტო ინფორმაცია: ტელეფონი, ელ-ფოსტა	
საგადასახადო საიდენტიფიკაციო ნომერი	
ორგანიზაციის გამოცდილება (მაქსიმუმ 150 სიტყვა):	
საპროექტო განაცხადი	
პრობლემის აღწერა (მაქსიმუმ 150 სიტყვა) - დეტალურად აღწერეთ სამიზნე მუნიციპალიტეტში კონკრეტული მომსახურების მიწოდებასთან დაკავშირებული პრობლემა, რომლის მოგვარებისკენ მიმართული იქნება თქვენი პროექტი, ვის ეხება ეს პრობლემა, რა არის ამ პრობლემის გამომწვევი მიზეზები და რა არის ნეგატიური ეფექტები:	
პრობლემის გადაჭრის ხედვა (მაქსიმუმ 100 სიტყვა) - ახსენით როგორია პრობლემის გადაჭრის თქვენეული ხედვა. ის უნდა იყოს მაქსიმალურად კონკრეტული და რეალისტური - როგორ შეუწყობს პროექტის განხორციელებას ხელს მუნიციპალიტეტის კონკრეტული მომსახურების ხელმისაწვდომობის/ხარისხის გაუმჯობესებას	
პროექტის მოსალოდნელი შედეგი (მაქსიმუმ 40 სიტყვა) - ერთი წინადადებით წარმოადგინეთ პროექტის მოსალოდნელი შედეგი, რომელიც დაკავშირებული უნდა იყოს ერთ კონკრეტულ სფეროში მუნიციპალიტეტის მომსახურების ხელმისაწვდომობის ზრდასთან ან/და მისი ხარისხის გაუმჯობესებასთან ადგილობრივი მოსახლეობის კონკრეტული ჯგუფისთვის (პროექტის ბენეფიციარები). პროექტის შედეგი მიღწეული იყოს პროექტის განხორციელების კადაში ან მაქსიმუმ 3-4 თვეში მისი დასრულებიდან.	

დაინტერესებული მხარეები (მოკავშირეები) (მაქსიმუმ 100 სიტყვა) - აღწერეთ გადასაწყვეტ პრობლემასთან დაკავშირებული დაინტერესებული მხარეები და მათი პოზიციები:

ა) **გადაწყვეტილების მიმღები პირები** - მუნიციპალიტეტის სამსახურები, თანამდებობის პირები ვისაც ეხება აღნიშნული პრობლემის მოგვარება, მათი პოზიცია პრობლემასთან დაკავშირებით (თუ ცნობილია)

ბ) **მოწინააღმდეგეები** - ვინ შეიძლება იყოს პრობლემის მოგვარების მოწინააღმდეგე და რატომ

ბ) **მოკავშირეები** - ვინ იქნებიან თქვენი მოკავშირეები პრობლემის მოგვარებაში და კონკრეტულად რა როლი ექნებათ მათ (არასამთავრობო ორგანიზაციები, ადგილობრივი მედია, თემის ლიდერები და სხვა)

გ) **პროექტის ბენეფიციარები** - მიუთითეთ ბენეფიციარების რაოდენობა და საცხოვრებელი არეალი. მიუთითეთ რა ფორმით იქნებიან ჩართული ბენეფიციარები პროექტის ღონისძიებებში:

პროექტის ღონისძიებები (მაქსიმუმ 400 სიტყვა) - თანმიმდევრობით მიუთითეთ პროექტის ფარგლებში დაგეგმილი ღონისძიებები. თითოეული ღონისძიებისთვის აღნიშნეთ თემა და მიზანი, ოდენობა, ხანგრძლივობა, მიზნობრივი ჯგუფები, მათი შერჩევის მეთოდი, მონაწილეთა რაოდენობა და სხვა.

პროექტის განხორციელების ვადა (მიუთითეთ რამდენ თვეში ფიქრობთ პროექტის განხორციელებას. გაითვალისწინეთ, რომ მინიმალური ვადაა 2 თვე, ხოლო მაქსიმალური 5 თვე):

პროექტის სამოქმედო გეგმა (შეავსეთ პროექტის სამოქმედო გეგმა იმ ამოცანებისა და აქტივობების მიხედვით, რასაც თქვენი პროექტი ითვალისწინებს. აქტივობები გაანაწილეთ პროექტის განხორციელების ვადის შესაბამისად)

პროექტის სახელწოდება (მიუთითეთ პროექტის სახელწოდება)					
ღონისძიება /თვე	02.2021	03.2021	04.2021	05.2021	06.2021
ღონისძიება 1					
ღონისძიება 2					
...					

პროექტის ბიუჯეტი (მიუთითეთ მოთხოვნილი თანხა ევროში):

ხარჯი	ერთეული	ერთეულის რაოდენობა	ერთეულის ფასი	ჯამური ხარჯი ევრო
პროექტის სრული ბიუჯეტი				

პროექტში ჩართული პირების ვინაობა და საკონტაქტო ინფორმაცია.

განცხადების ფორმას უნდა ერთოდეს ამ პირთა პროფესიული რეზიუმე(CV).

სახელი გვარი	საკონტაქტო ინფორმაცია: მობილური/ ელ-ფოსტა
1.	
2.	
3.	